

MEDICAL SOCIETY
OF LONDON



ACCESSION NUMBER

PRESS MARK

CONTARDI, J.B.

65213/A

XVIII₄

DISSERTATIO^c

PHYSICO-ANATOMICA.

Quam ad primam Appollinarem lauream consequendam in celeberrimâ Monspeliensium Medicorum Academia publice propugnabit
JOANNES BAPTISTA CONTARDI Genuensis
Artium Liberalium magister, & jamdudum
Medicinæ alumnus, ab horâ octavâ ad meridiem, die mensis Augusti 1713.

PRÆSIDE

ILLUSTRISSIMO VIRO

D. D. PETRORIDEUX

Regis Consiliario & Medico, nec-non in
almâ Monspeliensium Medicorum Academia
Professore Regio dignissimo.

*An secretionum opus ex mechanica
legibus.*



MONSPELII;

Apud HONORATUM PECH, Regis, Universitatis
Cleri & Urbis Typograph. 1713.

1. 3067

65

DISSECTATIO
PHYSICO-ANATOMICA

Operis auctorem Angelum Johannem Laurentium con-
gratulamur in celeberrimo Montpelienensi
Universitatis Academiæ publice propugnante
JOHANNES BAPTISTA GONZALEZ GONZALEZ
Medicæ Professor, & Chirurgicus
Medicæ alumnus, de hoc opere ad nos
transmisit, die mensis Augusti 1715.

PRELUD

BRITISH MUSEUM
SALE DUPLICATE
7 8 7 I

De Sectionibus quæ ex mechanica
legibus

MONSIEUR

Apud Honoratum Patrem, Regis, Universitatis
Cham & Ubi Typographus 1715



DISSERTATIO: PHYSICO- ANATOMICA.

*An secretionum opus ex mechanices
legibus.*



RDUAM sane & paucorum vesti-
giis tritam hactenus viam explorare,
ingensque & forte inausum opus
aggredi fert animus; licet ingenii;
viriumque paruitatem habeam satis
cognitam: sed quoniam unumquemque trahunt,
& alliciunt novitatis illecebræ, ex geminis hy-
pothesibus urbano sale conspersis & simpliciore
mechanice propioribus, Bellini scilicet Borelli-
que, non inepte quidem & prætermodum
utriusque scriptoris fautor, sed venerabundus
demirator, brevem & indictam totius de quo
differitur, argumenti expositionem conficien-
dam pro patrio jure suscipiam. Ut autem ho-
dierna hæc disceptatio, doctrinæque specimen
& iis arrideat, qui in arte anatomicâ egregie
& cum laude versati sunt, & iis quoque profis

qui in illâ peregrini adhuc sunt & hospites, varia cursum attingemus & delibabimus, ex quibus perspectum cuivis fiat & exploratum, quænam sit glandularum seu colatoriorum organorum natura, & compages. Deinde vero æquâ expendemus trutinâ quæ secretionum omnium in sanguine promptuario, & colis prævia requirantur. Ex mechanices porro legibus, secretionum opus demonstrabimus, & statuemus.

POSTULATUM PRIMUM.

Machina duplici partium genere fluidis nimirum, & solidis conflatur, & constat.

POSTULATUM SECUNDUM.

Secretio supponit quibusdam machinæ partibus solidis insitam vim, ad separationem peculiaris fluidi à reliquâ sanguinis massâ.

POSTULATUM TERTIUM.

Quæcumque pars solida, innatâ indole ad peculiaris humoris sequestrationem instructa, organum secretorium dicenda est.

PROPOSITUM PRIMUM.

Vulgata adenographia exactiori indagini subicitur.

Plurimi nec quidem ini subselli rerum anatomicarum indagatores, indeffesso animi impetu diu multumque elaborarunt, in detegendis quæ sacris natura frondibus obduxerat, vocatisque in subsidium ingenio sagaci, industriâ;

que manu varia quidem circa glandulas, nec tamen omnino felici exitu protulere; structuram siquidem glandularum præfinire conati statuerunt laudatas glandulas, esse corpora membranosa, peculiari cavitate prædita, & singulari è tota massâ fluido secernendo dicata. Quid plura? anatomico cultro instructi, in varias membranas, tendinosas, & carneis fibris adornatas separavere, eaque folliculo quodam, arteriâ, venâ, nervo, imo & excretorio vase ditari pronuntiarunt. Adhibitis demum ligaturis, injectisque siphonum ope liquoribus intra glandularum substantiam, illarum contextum in dissimiles figuras adegerunt: alias siquidem, politâ superficiè, ovatâ, & ellipticâ figurâ, alias vero planiformi, magis compressâ, irregulari, & acinorum communi membranâ involutorum multiformi congerie instructas esse compererunt: primæ glandularum speciei conglobatarum, secundæ conglomeratarum nomen fuit inditum;

PROPOSITUM SECUNDUM.

Assignata Adenographia œconomie naturali repugnat, ideoque rejicienda venit.

In hoc totus rei cardo positus est, ut non fictitiis hypotesibus, sed experimentis anatomicis ad enodandam propositi veritatem uramur: illud autem perficietur demonstrando quodcumque juxta talem sententiam glandulosum, idem non esse peculiari liquori separando di-

catum sive organum secretorium, & minus æquam, aptamque esse divisionem prædictarum glandularum, in conglobatas, & conglomeratas.

EXPERIMENTUM PRIMUM.

Nuki & Malpighii observationibus freti, in mulo, asino, & equo, varias tentavimus ligaturas ut compertum haberemus, utrum glandulæ conglobatæ, speciali structurâ lympham separarent, aut potius receptaculorum, & anthliarum reciprocantium vices obirent. Cùm autem autopsiâ constet, vasa lymphatica intra glandularum conglobatarum substantiam hiantia, alia deferre lympham, alia vero referre versus novas glandulas, indeque in canalem roriferum bilsianum, cisternam, aut thoracicum canalem, multiplici modo vasa lymphatica partium superiorum aut inferiorum ligavimus; scilicet deferentia, antequam infigerentur glandulæ, vidimusque inflari intra ligaturam, & detumescere à ligaturâ usque ad glandulam, imo deturgere glandulam & lymphatica referentia. Inversâ deinde ligandi ratione vinculo confriximus lymphatica referentia, liberis relictis deferentibus, & tunc animadvertimus vasa referentia à glandulâ ad ligaturam turgere, minime vero ultra ligaturam, tumefactis eodem tempore deferentibus, imo & glandulâ. Rursus selectis vasis lymphaticis, ab unâ glandulâ conglobatâ, ad alteram vicinam ten-

dentibus ligavimus vasa illa media inter utramque glandulam, & res pari quo innuimus modo successit. Talia tentamina, in vasis lymphaticis, inguinalibus, iliacis, mesentericis, axillaribus, & jugularibus, repetitis vicibus adhibita fuere.

EXPERIMENTUM SECUNDUM.

Observationum Nuki & Malpighii rursus scrupulose æmuli, glandularum conglobatarum præmissis congruis ligaturis, genuinam structuram examinandam suscepimus; ideoque atramentum indicum, syphonum ope, per lymphatica deferentia intra glandulas conglobatas mesenterii, aliarumque partium injecimus, earundemque politam, & ovatam superficiem pluribus semispherulis, aut umbonibus ad figuram sphaericam accedentibus asperam fieri conspeximus, pari ratione successit experimentum cum hydrargiro, aut insuffato aëre, muscosaque & cellulosa, glandularum compages se se videndam objecit, præcipue in sectis transversim glandulis atramento infarctis, & in illis quæ aëre turgidæ factæ exsiccatae fuerant: muscosa autem, vel cellulosa segmenta membranâ quâdam communi, involuta videbantur.

COROLLARIUM.

Ex primo experimento liquet, glandulas conglobatas ex vasis deferentibus contentam lympham suscipere, ut inde quadam vi transivâ,

in nova emissaria promoveant; & si quæ parva lymphatica glandulæ substantiæ innata sint, superfluo succo nutritio tantum revehendo dicantur ergò tales glandulæ, Non sunt organa colatoria specialia. Patet *ex secundo experimento*, structuram glandularum conglobatarum, & conglomeratarum nullam discrimen admittere; hinc sequitur nec genus omne glandulosum esse colatorium organum, nec suppetere glandulas proprie conglobatas sed solummodo conglomeratas, quantum denominatio, ex arbitrio potius magnifice desumpta, quam ex rei natura stabilita inferius probabitur; ergò elucescit propositum secundum quod erat demonstrandum.

PROPOSITUM TERTIUM.

Secretoria organa non sunt præcise collateralia, conicis arteriarum extremis vasa.

Glandulas ad determinatam structuram revocaturus Bellinus supponit, sed non demonstrat, arterias in ramos ramorum, & ramulorum ramulos divisas, tandem in venas abire, organa nec omnia colatoria ex collateralibus vasis conicis arteriarum extremis innatis conflari. Penitus quæstionem dilucidaturus exemplum proponit, ex intestinis gracilibus, & crassis desumptum; ita ut gracilia intestina extremarum arteriarum, crassa vero incipientium venarum exacte iconem exprimant, collateralia vero intestinis gracilibus lactea organorum secretoriorum;

teriorum struem æmulentur ; asserit denum extremas arterias , & incipientes venas multiplices meandros , spiras , & areas efformare non secus ac intestina : verum quædam nobis proponenda incumbunt , ut æquâ trutinâ prædicta sententia expendatur.

POSTULATUM PRIMUM.

Partes nutriuntur depositione sucèi nutritii, intra ipsarum spongiosam substantiam.

POSTULATUM SECUNDUM.

Canales quicumque arteriosi, ob immediate susceptam cordis trusivi motus impressionem vibrantur.

EXPERIMENTUM PRIMUM.

Ligatâ jugulari in cane musculorum , aliarumque partium per hujusce venæ truncum sanguinem derivantium , gelatinosò & lymphatico , non sanguineo liquore perfusa substantia , & lymphatica vasa summe turgida in secto cadavere reperiuntur.

EXPERIMENTUM SECUNDUM.

Adaptato coriaceo canali , ut sanguis arteriosus unius canis in venam alterius transfundatur , vibratur canalis coriaceus, vibratur ipsa jugularis sanguinem excipiens, imò & subelav.

Constat autopsiâ , varia lactea intra intestino

rum canalem aperta, quem exsugunt liquorem, in cisternam, & canalem thoracicum degurgitare, nullomodo effuso intra intestinorum contextum prædicto fluido: pari modo varia lymphatica conicis arteriarum extremis enata, lympham, sive succum nutritium intra partium interstitia minime laxarent; unde nulla fieret nutritio, nec gelatinosæ substantiæ intra partes aggestio, quod repugnat *primo postulato*, & *primo experimento*: ergo eo nomine expungenda belliniana hyporexis, quæ aliunde contradictoria arguitur, ex eo quod postquam demonstravit arterias extremas conicam obtinere figuram, cylindrica deinde easdem donari supponat: datis præterea venarum, & arteriarum inosculationibus vibrarentur venæ, imò & vasa collateralia, juxta *secundum postulatum*, & *secundum experimentum*, quod tamen autopsiæ contrarium est.

PROPOSITUM QUARTUM.

Sola vesiculosa compages, organorum calatoriarum mechanicam struem non constituit.

Ad secretionis negotium perficiendum utriculosa, seu visiculosa quædam corpora extremis arteriis, & incipientibus venis subjici pluribus adstruit Borellus, cum Malpighio. Ut autem tali sententiæ æqui bonique consulatur, quædam experimenta anatomica præmittenda videntur.

EXPERIMENTUM PRIMUM.

Aperto ranarum thorace versus alterutrum latus, pulmonaris lobus per factam rimam vias sibi parat: tunc adhibito idoneo microscopio, extremæ arteriæ in ramulos ramorum infinita pene serie divisæ conspiciuntur; ita ut unusquisque canalis capillaris in reticularem quemdam contextum abeat, cujus variæ maculæ post innumeras connexiones, & commissuras, modo angulos acutos, modo obtusos describant, unde mirifice dispares, rhomboidales, trapeziæ, aut saltem poliformes areæ emergunt, quæ tandem in novum & unicum canalem derivantur. Videtur sanguis circulans in primo canali antequam efformet reticularem contextum, pâllescentem, vel potius citrino colore tinctus, intra poliformes áreas albo, deum intra canalem ex junctis arearum maculis emergentem rubro colore infectus, primum canalem arteriosum A, secundum venosum B, canaliculos vero reticulares C, C, &c. tubulos excretorios D, D, &c. canaliculis reticularibus in primâ figurâ, & substantiæ rhomborum insecundâ infixos, & in tubos majores E, E, confluentes indicabunt duæ primæ figuræ.

EXPERIMENTUM SECUNDUM.

Cum porcinum, felinum, imo & humanum accur adhibitis injectionibus, & macerationibus

bus à contentorum liquorum sordibus expurgatur, illius contextus vesiculosus, & utriculosus omnino perspicitur; sive turgat ab insufflato aëre, sive absque aëre immisso lobi illius in varia segmenta cæsim dividantur. Eandem structuram suppeditat splen bovinus anatomicè paratus. Utriusque illius contexturæ genuinam naturam declarabunt duæ ultimæ figuræ, in quibus A arteria majuscula, B, B, &c. ramuli arteriosi è majusculo enati, & intra vesicularum specus, simulque globosam substantiam aperti, D, D, &c. ramuli minores venosi ex vesiculis in majusculam venam E coeuntes; F, F, &c. canaliculi excretorii minimi, ex vesicularum concavâ parte in *tertiâ figurâ*, & ex eorundem globosâ substantiâ in *quartâ figurâ* succrescentes, & demum majores canales G, G, suo concursu constituentes.

SCHOLIUM.

In Cancris, Bombice, Erucis, Grillo, & Tâpâ vesiculosa coagmentatio se se videndam objicit ex cæcalibus sacculis, qui in talibus animalibus hepatis munia obeunt. Quid plura? in anate, gallo indico, & aliis avibus vesiculosus & utriculosus pancreas demonstratur; demum in Xiphia, asello, aliisque piscibus, in bombice, multisque insectis, loco pancreatis unicuique cæcales pancreatici canalis trunco, in, finitorum ramulorum ope appenduntur.

COROLLARIUM.

Sequitur ex primo experimento reticulareque areas inter organa colatoria numerandas esse, ex secundo experimento liquet secretionis officium vesiculosæ struis beneficio in certis partibus perfici; unde compertum manet secretoria organa, vel esse reticularia, vel vesiculosa.

DEFINITIO.

Glandula sive organum colatorium, est pars organica, rara, porosa, reticularis, aut vesiculosa, cujus ope peculiaris quidam liquor à totâ sanguinis massâ segregatur.

PROPOSITUM QUINTUM.

Prærequisita in sanguine; & colis ad consecrarias secretiones arguuntur.

Enucleatâ satis superque organorum secretoriorum structurâ, inquirenda nobis supersunt prævia quædam, quibus positis sanguinea massa secretionum omnium promptuarium evadat, & diversa cola destinato munere fungantur; hæc autem simplicissime sequentibus Lemmatibus evoluentur.

LEMMA PRIMUM.

Sanguinem esse congeriem particularum mirifice dissimilium.

Nam sanguineus latex continuo ex novo influente chylo conficitur, chylus autem, ex

alimentiſ infinite diſpari indole præditiſ coaleſcit, unde neceſſario ſanguis chyli, & alimentorum quibus ſuos natales debet craſim ſibi vindicat. Talem ſintheſim maxime fovet fermentativuſ motuſ, quo ſanguiniſ principia, mole, figurâ, motu, & aliis qualitatibuſ ſumme diverſa perpetuo agitantur; hinc ſiquidem emergunt multifaria fluida, quæ ex maſſâ ſanguineâ velut ex perenni fonte ſcaturiunt.

LEMMA SECUNDUM.

Recrementa eſſe formaliter in ſanguine.

Si enim injectio cum certis proportionibuſ ceræ albæ, flavæ, & olei parata, & cum infuſâ cinnabare aut anchuſâ vulgari rubro colore infecta, per ſyphones in varias arteriolas aut venulas immittatur, ſœpe ſœpiuſ in ſubſtantiam flavam, rubram, & albam intra vaſa capillaria explicatur, quod mirum videri non debet, cum prædictæ materiæ in tali mixturâ formaliter contineantur: pari ratione cuncta recrementa in propriis colis ſeparantur, quia globuloſa & lymphatica compages, quæ juxta Lavenoecki experimenta ſanguineam maſſam conſtituit, ex omnibuſ recrementiſ revera & actu inexiſtentibuſ conſtatur. Sed ne forte aliquiſ ſuppeteret dubitandi locuſ aperto moloſſi abdomine, utramque emulgentem arteriam cum ſociâ venâ ligavimus, & tranſactiſ aliquot horiſ urinoſaſ materiaſ per

vomitum eiici animadvertimus ; rursusque in canē fœntella catuliente easdem ligaturas confecimus ; amputatis postea duobus renibus ut omnis circa experimentum tolleretur scrupulus, liquorem abundanti lotio aspersum evomit pariter canis. In utroque experimento materiæ urinosæ foras per vomitum detrusæ, efformatæ non fuerant intra renes, cum sanguis ad illos non deferretur, nec ab iisdem renibus suppeditabantur cum vinculo constrictæ venæ, aut extracti essent renes ; unde compertum manet, ideò urinosa fluida per vomitum fuisse excreta, quia actu & formaliter in sanguine delitescabant, connubiòque cum salivali humore factò, potentias vomitui destinatas juxta principia neurologica in actum deduxerant.

SCHOLIUM.

Varia animalia post viperæ morsum fiunt icterica, quin minimum reperiatur vitium in cadaveribus apertis, quod sufflaminando influxum liberum bilis per vasa excretoria, separatæ bilis in sanguinem regressui ansam præbeat : Talis autem icterica dispositio soli præexistentiæ biliosi laticis intra sanguineam massam referenda est. Missa facimus varia quæ castratis superveniunt symptomata, ut effcæ vires, imberbis & effcæminatus corporis habitus, quæ omnia post amputata seminalia cribra soli spermati intra sanguinem redundanti natales suos debent.

LEMMA TERTIUM.

*Porosum glandularum contextum non
sufficere ad secretiones.*

Ut diversæ moleculæ quæ ex frumentorum tritu emergunt, à particulis dissimilis specie segregentur, necessaria sunt disparibus omnino poris prædita cribra; solis enim male feriatis perspectum non est, porum quadratum diametri trilinei transitum permittere liberum corpori rotundo, aut cuicumque poliedro diametri tantum linearis, & porum rotundum trilineum facilem exitum corpori quadrato, aut poliedro lineari præbere; atque ita parvas moleculas cum majoribus promiscue, pollineas nimirum partes cum furfure et crassiori farinâ secerni: quod totum si sanguini accommode- tur, spiritus animales, insensilis transpiratio, & alia tenuia fluida per patentes renum & hepatis poros continuo devolverentur, & frustra fieret secretionum mechanice.

LEMMA QUARTUM.

Cola analogo humore imbui.

Constat innumeris experimentis in ovis galinaceis incubationis tempore factis, per venam umbilicalem intra cicatriculam contenti pulli, aut per innumeros ramos intra vitellum sparsos, & in unicum canalem qui intra ileum
intestinum

intestinum aperitur coeuntes; vitellum intra pulli corpusculum permeare; eadem ratione patet; albumen per utramque chalazam, vel saltem vitellini folliculi poros in cellulofum vitelli contextum detrudi; exactis deinde quibusdam incubationis diebus, punctum saliens rubro colore tinctum, plexusque circa carinam arteriosi perspiciuntur; canaliculi autem quicumque membranosi necessario flaccescunt, nisi habeant villos exterius positos ope quorum parietes à centro distrahantur, aut liquores intra tales canaliculos nidulentur, ut impediatur laterum coalitus qui fieri solet in canalibus membranosis liquore destitutis, ut videre est in venâ & arteriis umbilicalibus post vinculi umbilicalis ligaturam; sed chalazæ, vasa umbilicalia, aut alia jam assignata per vitellum sparsa, & varij cujuscumque generis canaliculi liquoribus intra pulli corpusculum devehendis dicati, carent villis distrahentibus parietes; ergo sequitur vasa albumen, & vitellum intra pulli embrionem degurgitantia, variosque canales sanguineos aut cuicumque liquori continendo idoneos, humore quodam à primordiis generationis turgere; cum autem rudimentum sanguificum vasis sanguineis, lymphaticum lymphaticis tribuatur, & genus omne glandulosum canalium membranosorum speciem præ se ferat, liquori cui continendo & secernendo destinatur, necessario repleri debuit, ergo analogum liquorem continere.

S C H O L I U M.

Talibus adstipulatur experimentum bellinianum in seminibus cucurbitarum, quæ intra pulpæ areas, & segmenta, hortulos quosdam innumeris plantis ejusdem speciei consitos solâ agitatione, & fermentativo fluidorum intra germina contentorum motu concinnant; ut etiam quotidie videre est in variis plantis bulbosis, quæ solo aëri expositæ sine ullius alterius succi interventu in ingentem molem crescunt: sed si hæc omnia humoris analogi intra organa colatoria præsentiam declarent, quanto magis vulgatum experimentum chemicum; charta enim emporctica oleo imbuta partibus aqueis, & aquoso fluore perfusa moleculis oleosis ingressum denegat; unde necessitate mechanicâ diversi humores analogi in collis, olei, aut aquæ chartam emporcticam imbuentis, officium præstabunt.

P R O P O S I T U M S E X T U M.

Sanguinem in arteriis ex strictis dimensionibus in amplas, in venis autem inverso modo fluere.

Non sine stomacho primâ fronte hocce propositum nostrum quis audiat, siquidem in scholis decantatum est, sanguinem intra arterias, ex amplo canali in strictum, & intra venas ex stricto in amplum promoveri, istius tamen

problematis veritas ex principiis pure geometricis demonstrari posset; ne autem geometriæ imperiti extra propriam sphaeram nimium divagentur, simplici & vulgari admodum calculo ostendetur.

Pone sigmoideas valvulas Aortæ truncum dimensi sumus, variasque alias arterias, vidimusque in diversis animalibus proportionibus servatis, uniformem esse naturæ agendi rationem; ut autem fractiones vitentur, fas mihi sit supponere diametrum Aortæ æquari in homine quatuordecim lineis, constat Arteriam quancunque Carotidem superare suo diametro, semidiametrum Aortæ, sed relictis excessibus ad clariorem demonstrationem, æqualis tantum dicatur talis diameter: liquet etiam autopsiâ utramque Subclaviam, ita ut dextra sumatur post emissam Carotidem, relictis etiam excessibus, non contemnendis, pollere diametro æquali semidiametro eisdem Aortæ; *demonstratur autem in geometricis*, canalια circularia se habere ut ipsorum orificia, quæ cum circularia sint circulorum proprietatibus gaudere debent, & se habent inter se sicut quadrata radiorum; quadrata vero ut rectangula sunt in ratione duplicata laterum sive radiorum ex quibus efformantur; radius autem orificii uniuscujusque Carotidis & Subclaviæ est tantum semi-radius orificii Aortæ, unde sequens emanat proportio

$$1, 2 :: 1, 2,$$

Multiplicatis autem duobus antecedentibus

Cij

fit productum 1; multiplicatis verò consequentibus productum erit 4. ergò quadratum sub radio uniuscujusque Carotidis, & Subclaviæ erit ad quadratum sub radio Aortæ, sicut 1. se habet ad 4. ideoque eandem proportionem obtinebit singularum quatuor harumce arteriarum canalis ad canalem Aortæ; ita ut unusquisq; quar-

tus canalis, sit $\frac{1}{4}$ pars canalis aortæ, sed $\frac{4}{4} = 1$,

unde compertum est eo nomine quatuor supradicta vasa æqualia esse magnæ Aortæ.

Pari methodo utramque Hypogastricam, & Iliacam mensuræ subjecimus cùm Mesentericâ superiori, & Cœliacâ, & unumquemque laudatarum arteriarum truncum, ita ut quarundam defectus ab aliarum excessibus æqui bonique compensentur, habere diametrum æqualem semidiametro sive radio Aortæ comperimus; unde patet diametros Cœliacæ, Mesentericæ superioris, utriusque Hypogastricæ, & Iliacæ æquales esse, sex mediis partibus diametri, sive sexties radio Aortæ magnæ, & componere ad talem diametrum unam rationem triplam, ideoque sex assignatos canales æquales esse sex quartis partibus trunci Aortæ, unde exurgit nova ratio sed sesquialtera, sive continens totum canalem Aortæ & dimidiam ejusdem partem, sed *supra demonstratum est*, summam canalium utriusque Carotidis, & Subclaviæ parem esse toti canali Aortæ, ergò si colligamus jam jam affig-

nam rationem æqualitatis ex primis quatuor arteriis, & rationem sesquialteram desumptam ex aliis sex arteriis jure merito concludetur, rationem æqualitatis & sesquialteram efformare rationem duplam sesquialteram, sive ut mentem nostram clarius explicemus, canales duarum Carotidum, & Subclaviarum, Cœliacæ, Mesentericæ superioris, Iliacarum & Hypogastricarum arteriarum, includere sesquiduplam amplitudinem Aortæ magnæ; ergò sanguinem decurrentem ex tali Aortâ in decem illos ramos fluere in canalem sesquiduplo majorem, quod sufficeret ad firmandum propositum: si autem varios ramos ex Aortâ descendenti aut ascendenti emergentes & gratis prætermisos, ut Cervicales, Mammarias, Intercostales, Emulgentes, Mesentericam inferiorem, & alia innumera vasa arteriosa perpendamus; demum excogitemus ramos ramorum, & ramulos ramulorum qui infinitâ penè serie ex decem majusculis arteriis, & aliis minoribus brevitatis causa prætermittendis prodeunt; familiari calculo declarabitur in immensum augeri canales arteriosos qua proportionem discedunt à corde, habitâ ratione canalium Aortæ magnæ incipientis.

Jam si transferatur eadem operatio, ad vasa venosa, quæ quidem multo majorem, v, g, quadruplam *juxta Borellum* amplitudinem quam arterias obtinent, manifestum fiet duas jugulares interiores, Subclavias, Iliacas, & Hypogastricas venas, Mesentericam, Splenicam

aliasque minores innumeras, eandem rationem habere ad canalem totius Cavæ, quam *demonstratum est* reperiri, inter decem majusculas aliasque minores arterias, & truncum magnæ Aortæ; proindeque inconcussam manebit sicut sanguis intra arterias fluit ex strictis dimensionibus in amplas, ita idem fluidum, intra venas ex amplo spatio in strictum decurrere quod erat declarandum.

COROLLARIUM.

Ex præcedenti doctrina sequitur summam quantum fieri possit vasorum sanguineorum amplitudinem extremis arteriis, & incipientibus venis esse intermediam.

PROPOSITUM SEPTIMUM.

Mechanicum Secretionum Opificium Evolvitur.

Chymicam sanguinis analisim de industriâ missam facimus, ut pote quæ quoad principiorum proportionem parum sibi constet, nec multum ad quæstionis nostræ elucabrationem conferat; nobis enim in presentiarum nosse sufficit principia quinque chymica è sanguineâ strue ignis ope educi. Ut autem clariori methodo procedamus, & præviâ veritate quasi manu ducti tricas Omnes, & ambages vitemus; postulata quædam naturæ legibus maxime congrua præmittentur,

POSTULATUM PRIMUM.

Fluida ex strictis dimensionibus in amplas
motu impetus quantitates deperdunt, quæ sunt
inter se sicut stricta orificia se habent ad ampla.

POSTULATUM SECUNDUM.

Corpora in motu posita si impingant in pla-
num infinite resistens, debent mutare determi-
nationem motus directi in reflexam.

POSTULATUM TERTIUM.

Corpora quæ motu circulari donantur, ten-
dunt recedere à centro sui motûs per tangen-
tem descripti circuli majorem, vel minorem
pro variis soliditatis gradibus.

POSTULATUM QUARTUM.

Corpora insensibilia quæ oblique moven-
tur intra media diversæ densitatis, pro varie-
tate mediorum recedunt à perpendiculari,
vel accedunt ad perpendicularem lineam, sed
diversâ omnino ratione ab illâ qua refringun-
tur corpora sensibilia.

Cunctis qui vel prima anatomes documenta
summis labris attigerunt, compertum est cor-
pus animalium esse congeriem hydrolicarum
machinarum, quæ sibi mutuas præstant manus

ad conservandum totum quod conficiunt; inter hasce vero machinas principem locum obtinet Cor, geritque munia anthliæ reciprocantis in duas capias dilatabiles & compressibiles divisæ; ita ut corrugatione & constrictione villorum carneorum, accedentes ad se invicem capsarum sive ventriculorum parietes agant vi præli in sanguinem contentum, & expellendus sanguis emboli vices obeat erga sanguinem intra arterias & venas inclusum, & fluxurum; duæ autem arteriæ majores Pulmonaris nimirum, & Aorta, ambæ item venæ majores scilicet Pulmonaris, & Cava sunt tubi ductiles, innumeri vero rami arteriosi, qui continuo è majoribus assignatis truncis derivantur, cum locis venis in truncos majores confluentibus, spectandi sunt quasi totidem syphones incurvati binomii quidem, & binembres, sed contigui, & ferruminati ope organorum colatoriorum reticularis, aut visiculosæ structuræ.

Cum sanguis ex miscellanea recrementorum omnium congerie compositus, & vi emboli detrusus, ex truncis majoribus arteriosis intra minores prima syphonum brachia efformantes, secretoria organa, tandemque ramos venosos minores secunda syphonum brachia constituentes fluere cogatur, variis necessitate mechanicâ mutationibus ad secretiones maxime accommodatis fit obnoxius.

Ex tubis majoribus arteriosis intra minores
capillares

capillares expulsus sanguis, in tot segmenta dividendus est, quot sunt rami arteriosi capillares, unde totius compagis in minutissima Ectypa fila ductæ summa divisio, & columnularum sanguinearum superficiei maxima expansio; sed superficies corporum minorum habet majorem rationem ad superficiem corporum majorum, quam moles majorum ad molem minorum; ergo erunt plura puncta tacta & puncta tangentialia, ideoque majores resistentiæ; quæ prætea intenduntur ex auctâ amplitudine spatiorum *in sexto proposito* demonstratâ, ex fasciarum exterius positarum elatere, & compressione, angulosâ ramulorum divaricatione, & continuâ reflexione, quam patiuntur columnulæ sanguineæ per flexuosos, & intortos extremarum arteriarum canales, quorum longitudo per regulam auream in explicatis testium vasis, evincitur esse ad longitudinem totius machinæ, sicut unum ad quatuor mille octingenta hæc omnia mirifice retundunt. Immen- sam musculi cordis potentiam, ideoque continuas morulas sanguini, ex extremis arteriis intra organa colatoria præter labenti injiciunt.

Patet *ex corollario sexti propositi* quam maximam amplitudinem vasorum sanguineorum, esse extremis arteriis & incipientibus venis appositam: liquet *ex proposito quarto* varia organa secretoria ut pote extremis arteriis, & incipientibus venis insita, quam maximâ illâ amplitudine pollere, quæ quidem etiam si calculo geometrico non possit demonstrari, ne-

glectis excessibus erroris vitandi gratiâ, respectu habito ad extremas arterias sextupla tantum statuatur: hinc *juxta postulatam primum* imminutio motus sanguinis fluentis intra organa colatoria, se habebit ut unum ad sex, sive motus quantitas superflua erit tantum una sexta pars prioris: præterea superficies interior vesicularum concava ut videre est *in tertiâ & quartâ figurâ*, reticularium tuborum ubique angulosa & scrupea qualis se prodit *in prima & secunda figura*, simulque obliquus, & ad angulos acutos concinnatus arteriarum capillarium intra organa secretoria ingressus, continua puncta reflexionis sanguini traicere conanti suppeditat; sed fluidorum variæ molæ considerari possunt, tanquam totidem grana solida, ergo *juxta secundum postulatam* sanguinis motus directus in reflexum mutatur, variæque undæ & turbines in sanguineo latice describuntur, superficies molecularum magis ac magis expanduntur, & poroso organorum colatoriorum contextui obijciuntur; faventibus sextuplo spatio, & spirituum influentium commixtione sanguinis fermentationi, & molecularum pro gradibus soliditatis ad describendas tangentes visui majori, *juxta postulatam tertium*, proindeque à cæteris principiis extricationi: constat autem *ex quarto proposito* cola imbuï humore analogo, qui materiæ æthereæ pervius est, non secus ac alia varia fluida sanguinem constituentia, & diversam, vel eandem cum humore analogo densitatem for-

tita : quo tempore igitur per tangentes nituntur varia recrementa ut poros organorum secretiorum subeant, fluidum æthereum pro mediorum densitate vel accedit ad perpendicularum, vel recedit à perpendicularo *juxta postulatum quartum*, vel susceptam determinationem motus positâ mediorum congruentiâ servat; hinc fit ut concipiendæ sint infinitæ lineæ globulorum materiæ æthereæ ex humore analogo in objecta recrementa, & ex recrementis in humorem analogum impingentes, vel recto tramite per utraque progredientes: sic pro uniformi, aut oppositâ recrementorum indole, iisdem ingressus conceditur vel denegetur. Quibus positis facili negotio analogæ cum humore imbuente particulæ, colorum poros pervadunt, unde sistalticâ cordis, & arteriarum actione, suam præterea opem conferente oscillatorio organorum motu, in nova receptacula, aut extra corporis habitum detruduntur; residuus vero sanguis disparibus & hæterogeneis particulis foetus, per hiantes venarum capillarium radices, à potentis circulationi sanguinis dicatis in majores trancos venosos adigitur novas moliturus secretiones, quarum omnium ratio, ex principiis anatomicis, & mechanicis fluidorum, & solidorum proprietatibus juxta traditam methodum desumitur; unde jure concludimus.

Ergo secretionum opus ex mechanicis legibus.

THE HISTORY OF THE

AMERICAN PEOPLE

FROM THE FIRST SETTLEMENTS TO THE PRESENT TIME

BY J. W. FULTON

NEW YORK: PUBLISHED BY J. W. FULTON, 15 NASSAU ST.

1854

THE HISTORY OF THE AMERICAN PEOPLE

FROM THE FIRST SETTLEMENTS TO THE PRESENT TIME

BY J. W. FULTON

NEW YORK: PUBLISHED BY J. W. FULTON, 15 NASSAU ST.

1854

THE HISTORY OF THE AMERICAN PEOPLE

FROM THE FIRST SETTLEMENTS TO THE PRESENT TIME

BY J. W. FULTON

NEW YORK: PUBLISHED BY J. W. FULTON, 15 NASSAU ST.

1854

THE HISTORY OF THE AMERICAN PEOPLE

FROM THE FIRST SETTLEMENTS TO THE PRESENT TIME

BY J. W. FULTON

FIGURARUM EXPLICATIO

TABULA PRIMA

Exibentur organa colatoria Reticularia ope microscopii inspecta.

Fig. 1.

A *Arteria extrema capillaris.*

B *Vena capillaris ex opposito Arteriae angulo prodiens.*

CCC &c. *Canaliculi Rhomborum Latera efformantes, & ex extremâ Arteriâ capillari enati, ut tandem in oppositam venam abeant.*

DDD &c. *Surculi excretoriorum vasorum, anticis & posticis lateribus Rhomborum minorum, vel rhombi totalis infixi.*

EE *Canaliculi majores excretori, ex utroque latere Rhombi totalis assignatos surculos excipientes.*

Fig. 2.


A *Arteria extrema capillaris.*

B *Vena capillaris ex adverso arteriae extrema angulo initium capiens.*

CCC &c. *Canaliculi Rhomborum latera constituentes & ex arteriâ capillari ut supra sobolescentes.*

DDD &c. *Surculi vasorum lymphaticorum, Rhomborum glebosa, & spongiosa substantia, aut Rhombi totalis lateribus innati.*

EE *Rami duo lymphatici majores, ex minorum concursu, dextrorsum & sinistrorsum emergentes.*



FIGURARUM EXPLICATIO

TABULA SECUNDA

Designantur organa secretoria vesiculosa nudo oculo, & ope microscopii inspecta.

Fig. 3.

A Arteria majuscula.

B B &c. Rami quatuor arteriosi minores ex majusculo prodeuntes.

C C &c. Vesicula quatuor, minores arterias capillares excipientes.

D D &c. Rami quatuor venosi capillares minores, ex concavâ vesicularum parte orti.

E Vena majuscula ex junctis venis minoribus coalescens.

F F &c. Surculi ramorum excretoriorum concavæ vesicularum substantia per infinita capillaria innati.

G G Canales duo ex utroque vesicularum latere, assignatorum surculorum conjugatione efformati.

Fig. 4.

A Arteria majuscula.

B B &c. Arterie quatuor minores intra vesicularum specus, aut etiam solidam substantiam aperta.


C C &c. Vesicula quatuor ut solide, & globosa representata.


D D &c. Quatuor vena minores predictis vesiculis infixæ.


E Vena majuscula ex junctis venis minoribus conflata.

F F &c. *Surculi minores lymphatici ex convexâ
aut etiam concavâ vesicularum parte
per infinita capillamenta enascentium.*

G G *Rami duo lymphatici majores ex aliorum
minorum concursu coalescentes.*







tubert-f

TABVLA · I



FIG. 2




FIG. 1

